

ՄԻՀՐԱՆ ՍՈՒՐԵՆԻ ՇԱՐԱՄԲԵՅԱՆ



2018 թ. դեկտեմբերի 17-ին կյանքի 54-րդ տարում վախճանվեց ԵՊՀ-ի “Գիտական տեղեկագիր” հանդեսի պատասխանատու քարտուղար՝ Միհրան Սուրենի Շարամբեյանը:

Մ.Ս. Շարամբեյանը ծնվել է 1964 թ. ապրիլի 20-ին Երևանում: 1980 թ. գերազանցությամբ ավարտելով միջնակարգ դպրոցը, ընդունվել է ԵՊՀ-ի ֆիզիկայի ֆակուլտետ, որն ավարտել է 1985 թ. կարմիր դիպլոմով:

1985 թ. Մ. Ս. Շարամբեյանը նշանակվել է լաբորանտ ԵՊՀ-ի ֆիզիկայի ֆակուլտետի օպտիկայի ամբիոնում:

1986–1987 թթ. նա անցել է փորձաշրջան Մոսկվայում՝ Ռուսաստանի Դաշնության ԳԱ Ա.Ս. Պրոխորովի անվան Ընդհանուր Ֆիզիկայի Ինստիտուտում: Այնուհետև 1987 թ. Մ.Ս. Շարամբեյանն ընդունվել է ասպիրանտուրա նույն ինստիտուտում “Ռադիոֆիզիկա՝ նեոարյալ քվանտային ֆիզիկա” մասնագիտությամբ:

1990 թ. վերջին հաջողությամբ ավարտել է ուսումը: Ուսման տարիներին եղել է մի շարք գիտական հոդվածների համահեղինակ:

“Релаксационная модель стеклования”, “Кинетические уравнения модели структурного стеклования”, “Сверхпроводящие аномалии в аморфном антимониде галлия, полученном быстрой закалкой расплава в условиях высокого давления”, “Переход металл–изолятор в аморфном антимониде галлия”, “Переход металл–изолятор в  $\alpha$ -GaSb:Cu”, “Кристаллизация метастабильных фаз и сверхпроводимость в аморфном антимониде галлия”:

Երկրի դժվար իրավիճակը և ԽՍՀՄ փլուզումը ստիպել են Մ.Ս. Շարամբեյանին որոշ ժամանակով թողնել գիտությունը և աշխատել այլ ոլորտներում:

2008 թ. նա զբաղեցրել է Գիտական տեղեկատվության և վերլուծության բաժնի պետի պաշտոնը ՀՀ ԿԳՆ գիտության պետական կոմիտեյում:

2008–2011 թթ. Մ.Ս. Շարամբեյան աշխատել է որպես ավագ գիտական աշխատող և սեկտորի վարիչ ՀՀ ԳԱԱ Ինֆորմատիկայի և ավտոմատացման պրոբլեմների ինստիտուտում: Անմիջական մասնակցություն է ունեցել Գիտության Տեղեկատվության Վերլուծության և Մոնիթորինգի Կենտրոնի “Տեղեկագրի” ստեղծմանն ու տպագրմանը:

2011 թ. վահճանվել է Մ.Ս. Շարամբեյանի մայրը՝ Լյուսյա Թադևոսի Շարամբեյանը, ով 44 տարի զբաղեցրել է “ԵՊՀ Գիտական տեղեկագիր” հանդեսի պատասխանատու քարտուղարի պաշտոնը: Մ.Ս. Շարամբեյանը շարունակելով իր մոր գործը, զբաղեցրեց նույն պաշտոնը: Դեռ Լ.Թ. Շարամբեյանի ղեկավարման տարիներից սկսվեց “Գիտական տեղեկագիր” հանդեսի անցումը անգլերենի, իսկ Մ.Ս. Շարամբեյանն ավարտին հասցրեց այդ դժվարին գործընթացը:

Մ.Ս. Շարամբեյանի ղեկավարման տարիներին հանդեսը հասավ նորանոր բարձունքների: Մասնավորապես հանդեսը ներկայացվեց միջազգային ռեֆերատիվ հրատարակչություններում, ինչպիսիք են “Zentralblatt MATH” և “Math-Net.Ru” տեղեկատվական համակարգում (համառոտակալական մաթեմատիկական կայքում):

Նա նաև սկիզբ դրեց “Գիտական տեղեկագիր” հանդեսի թվայնացմանը և թվային արխիվի ստեղծմանը:

Յուրաքանչյուր ոք, ով աշխատանքի բերումով շփվել էր Շարամբեյանի հետ գիտեին նրա աշխատասիրության, գործին նվիրվածության, ճիշտ որոշումներ կայացնելու ունակության մասին:

Մ.Ս. Շարամբեյանի որպես ղեկավարի, մասնագետի, ընկերոջ, համեստ և բարի մարդու հիշատակը միշտ պայծառ կմնա բոլոր նրան ճանաչողների սրտերում:

*ԵՊՀ ռեկտորատ*

*ԵՊՀ Գիտական տեղեկագիր  
հանդեսի խմբագրական կոլեգիա*

*ԵՊՀ Գիտական տեղեկագիր  
հանդեսի խմբագրական*